

EDIMUM PAUL KE JERUSALEM

Utom Mme Apostle 21:1-40; 22:1-30; 23:1-35

QYQHQ UKPEP-ÑKPQ 370

Eke Ikpọ Owo

IKQ IBUOT: “Koro Abasi ikọnọnọ nnyin spirit ufep, edi spirit odudu ye ima ye mfara-idem” (2 Ñwed Timothy 1:7).

I Paul Anam Isañ Aka Jerusalem

- 1 Paul ye mme nsaña esie edañ usen itiaba ke Tyre, Utom Mme Apostle 21:1-4
- 2 Ke Tyre mbet etiñ enọ Paul ke odudu Spirit, ebaña ñkpọkọbi ye ndutuhọ emi ebetde enye ke Jerusalem, Utom Mme Apostle 21:4-7
- 3 Ke Caesarea Spirit Abasi ama afiak ọnọ Paul ntọt ete ke mme Jew eyebọp enye ke Jerusalem, Utom Mme Apostle 21:8-14; 20:22, 23

II Paul Osim Jerusalem

- 1 Paul obuk mbuk utom esie ọnọ James ye mbiowo Ufọk-Abasi, Utom Mme Apostle 21:15-20
- 2 Mbiowo ema edọhọ Paul ete yak enye ekaña akaña ye owo inañ eken ndinam mme Jew esuhọre esit, enye ama anam ntre, Utom Mme Apostle 21:20-26
- 3 Otu mme Jew emi ekeyatde esit ema emum Paul, edi mbon Rome ema enyaña enye esio ke ubọk mmọ, Utom Mme Apostle 21:27-37

III Ikọ-ntiense Paul Ye Ñkpọkọbi Esie

- 1 Enyime ete Paul etiñ ikọ ọnọ mme Jew, Utom Mme Apostle 21:38-40; 22:1-21
- 2 Mbon Rome ema enim Paul tutu ndań-nsiere, ini emi enye akafiakde etiñ ikọ-ntiense esie ọnọ akwa-oku ye mbon esop ke iso mbon Rome, Utom Mme Apostle 22:22-30; 23:1
- 3 Mme Jew ema eyom ndiwot Paul, ke ntak emi ema eyak enye enọ mbon ukpeme ete eda enye esọk Felix, andikara man aka iso obup enye mbume, Utom Mme Apostle 23:2-35

SE EKPEPDE EBAÑA

Owo Oro, Paul

Mme akpatre ibuoť ñwed itiaita ke Utom Mme Apostle etiñ ewut mme ñkpọ-ntibe ke utit uwem Paul, owo Mbet. Ñkukure udọń ke ofuri uwem Paul, ekedi ndikwọrọ Christ nnọ mme akwa otu owo emi mikọdiọńke ñkpọ ibaña Enye. Paul, ke ofuri esit esie ama ayak idem esie ọnọ utom Abasi; ndien akwa ñtọtunọ eriyak idem ye ikań-ikań udọń oro, ọkọrọ ye nsin-ifik ke utom Abasi ama anam Edisana Spirit ọnọ ukeme ndiwet ke ediwak itie ke Ñwed Abasi abaña uwem owo emi ye mme utom esie man ańwam mme emana efen. Paul ama anam mme owo etim ekere ebaña ima emi enye ekenyenede ọnọ Abasi ke eyo esie, ndien oto ke se ewetde ebaña uwem esie ke ñwed Abasi, uwem esie ke akaka iso edi se ekpebede ọtọńde ke ini oro; enye ñko, kpa nte Abel emi ama akakpa, ke osuk etetiń ikọ.

Isañ Emi Ema Ekenim Se Iditibede

Spirit Abasi ama ada Paul usuń ndifiak ñka Jerusalem. Enye ama ada isań oro okosim utit ke ndida ke iso akwa esop ukara mbon Rome, eke Caesar.

Ke Spirit Abasi ama okoduri enye utọń ke kpukpru obio abaña afanikọń emi ebetde enye ke Jerusalem ke ubọk mme Jew, ñkpọ ikọbiọńke Paul ndika. Abasi ama okot Paul ndikwọrọ Eti mbuk Jesus Christ nnọ Mmọ-oko, edi esit esie ama aka iso ofiop abaña erinyaña nditọ-ete esie, mme Jew. Enye ama enyene udọń eti-eti ndifiak ñka Jerusalem nnyuń ntiń nnọ mme Jew mbaña mme ikpọ ñkpọ oro Christ akanamde ọnọ enye, emi edinyuń anamde ọnọ mmọ edieke mmọ enimde Enyiń Esie ke akpanikọ. Paul ama ebieri nditiń ikọ-ntiense esie nnọ mmọ ikereke afanikọń ekededi emi editode ke

enye ndinam ntre. Paul ama otim ekere onyũ òfiòk ufòn emi edude ke ikò-ntiense idiòk owo emi eyetde asana ke Iyip; ñko enye ama enyene mbufiòk ete ke ini owo okopde oruk ikò-ntiense oro, isinyòñke ubòk-ubòk. Ñkpò efen iduhe emi enyenede odudu akan ikò-ntiense iren ye iban emi edioñòde ke akpanikò ete ke mmò ebe ke ekim eduk ke nsinsi uñwana. Oruk ikò-ntiense oro edi ukwòrò-ikò emi eyòhòde ye odudu, emi Edisana Spirit Abasi eyetde aran onyũ ọsòhòde, mmò emi ekopde inyũ ikemeke ndisọp mfre.

Edikabare esit Paul ntiene Abasi, ama ọtọ edu-ukpono mme Jew akamba ita emi akanamde mme anditiene edu-ukpono oro ikekemeke ndifen nnọ Paul. Ndiduòk kiet ke otu akpan owo mmò nnọ ata ukpep-ñkpò Christ edi se mme Jew mikekemeke ndiyọ: ke ntre mmò ema eyom uwem esie ke ntak “esen ukpep-ñkpò” esie. Ndida idemesie ñkesin ke ubòk mmò man enye afiak etiñ ikò-ntiense ọnọ mmò ekedi akwa ñkpò ndik. Ke ufòt ñkpò-ndik oro, Paul okosuk amama nditọ-ete esie tutu enye onyime ndinọ uwem esie, edieke akanade ete edi ntre (emi ke akpanikò ekekpakde enye ndinam) man enyaña mmò nte enye okodoride enyin. Ini kiet ko ke edem, Paul ama etiñ abaña erinyaña mbon idut esie ete: “Ñkpoyom nte ekpedianare mi ke Christ nte ñkpò-nsobo, man ọfòn ye nditọ-ete mi, oruk mi ke obukidem” (Ñwed Mbon Rome 9:3). Enye ama afiak ọdọhọ ete: “Mmenyene udọñ ke esit mi, nnyũ mbọñ akam nnọ Abasi mbaña Israel, nte enyaña mmò” (Ñwed Mbon Rome 10:1). Paul ama ayarare owut ke ndinọ uwem esie ke ntak Eti-mbuk ete ke mme oruk ikò emi ikedighe ikpikpu ndutiñ edi ekedi mme ikò emi etode ke esit emi ofiopde ye udọñ ndikut nte edade nditọ-ete esie esim ifiòk erinyaña emi otode Christ.

Okposuk edi edinam isan Paul ñka Jerusalem, emi akadade enye ọkọsũnọ ke ñkpòkọbi ye mkpa, ebietde ndisime ñkpò ke ekikere ndusuk owo, nnyin ifiòk ito Ikò Abasi ite ke Abasi ama eberi enye edem ke kpukpru ukut esie onyũ ọnọ enye akwa erikan; ndien ke akpatre ada enye ọnyọñ ufòk ọnọ Idemesie.

Paul ama ọbuòt idem ọyọhọ-ọyọhọ ke ukpeme emi Abasi ekenyenede ọnọ enye; ndien okposuk edi nte enye miketiñke ke ukem ikò nte Job eketiñde, idaha mbuòtidem esie ke Abasi ekedi ukem: “Mme enye eyewot mi: nnyeneke idori-enyin, edi nyekañ ido mi ke iso esie” (Job 13:15).

Ikò-ntiense Ye Erikan

Jesus ama etiñ ete: “Mmò eyebin mbufo esio ke mme synagogue; ini ke onyũ edi eke owo ekededi eke ediwothde mbufo eyese ete imọ inam ñkpò inọ Abasi” (John 16:2). Enye ñko ama ọdọhọ ete: “Mmò eyemum mbufo, enyũ ebine ndinam mbufo idiòk enyũ eyak mbufo esin ke ubòk mme synagogue, enyũ esin mbufo ke ufòk-ñkpòkọbi, enyũ eda mbufo eka ke iso ndidem ye mme andikara kabaña enyiñ Mi. Emi eyekabare edi ntiense ọnọ mbufo. Mmòdo ebieri ke esit mbufo ete mme imọ idibemke iso ikere nte mme imọ idibòròde: koro Ami nyenọ mbufo inua ikò ye eti ibuot, eke kpukpru mme asua mbufo midikemeke ndikañ mme ndineni” (Luke 21:12-15).

Oro ekedi ata ikò nduri-utọñ ndusuk, ọnọ ekese mmò emi edisobode ye mme ñkpò oro Jesus eketiñde abaña, edi ema eñwọñọ ọyọhọ erikan enọ mmò oto ke uñwam ye mfòn Abasi. Jesus ama ọdọhọ ete ke Imọ iduhe ikpọñ, edi ke Ete ododu ye Imọ kpukpru ini; emi onyũ edi akpanikò ke abaña mme anditiene Enye, ete ke mmò isanake ikpọñ. Jesus ama ọdọhọ ete ke ererimbot eyedi usua owo Abasi, edi Enye ama etiñ ọnọ mbet Esie ete mmò ekufehe ndik, koro Imọ ima ikan ererimbot.

Ke ini John Edima ekenyenede akwa ñkukut oro akabañade mme ukperedem ini ke isuo Patmos, enye ama okut mmò oro eketiñde ebaña mmò ete: “Mmò ema ekan enye oto ke iyip Eyen-erọñ, Onyũ oto ke se mmò etiñde nte ntiense. Mmò imaña uwem mmò tutu osim mkpa” (Eriyarare 12:11). Ama enem Abasi esit nte ke Paul edidi kiet ke otu akwa ibat mmò oro ekedade iyip uwem mmò efik idiòkọ ke ikò-ntiense ye edinam akpanikò mmò enọ Abasi.

Paul ama etiñ akwa mbuk Jesus ye ima Esie akanare mme idut ntat-enyin ini oro ndien ke utit ini uwem esie, enye ekenyene ndifiak ntiñ ikò-ntiense ke iso ndidem ye mme andikara. Mmò ema esin Qbọñ Ubọñ, enyũ efiak esin Paul ñko; edi Abasi osuk edi anam akpanikò, ndien ima Esie ododu ke nsinsi. Enye ọkọtọñọ ntak osio kiet ke otu ikọt Esie ọdọñ nditiñ mbuk emi man mme owo ekpekabare

esit ekpōñ idiok-ñkpō enyuñ ebō nsinsi uwem. Iduhe kiet ke otu mmō oro ekekopde iko Paul, emi edikemedede ndidōhō ete mme imō ikokopke Eti mbuk emi. Okposuk edi edidide editōñō ntak ntiñ se mmō ema ekebehem iso etiñ ke ikō ye ke edinam, ete ke mme imō iyomke owo emi (Christ) akara mme imō, edi Enye osuk ododu ndinam akpanikō, inyuñ imaha nte kiet atakde, edi man kpukpru ekpenyene nsinsi uwem oto ke Jesus Christ Qbōñ nnyin.

MME MBUME

- 1 Paul akanam didie ofiok ete ke ñkpōkōbi ye ukut ena ebet enye ke Jerusalem?
- 2 Nso ikedi mkpe-mbiere Paul ke abaña isañ esie ndika Jerusalem?
- 3 Nso ikedi ntak emi mbiowo ufok-Abasi ke Jerusalem ekeyomde Paul akaña akaña?
- 4 Nso ikedi ntak emi Paul akanamde ntre?
- 5 Nso ikanam mme Jew eyom ndiwot Paul?
- 6 Ekenyaña didie Paul esio ke mfina emi?
- 7 Nso ikedi ntak emi ekedade Paul esok Felix man obup enye mbume?